

BASES QUE REXERAN A CONCESIÓN DE PREMIOS DO CONCURSO “ACENDENDO O NADAL” 2018/2019

1.- Obxecto.

Constitúe o obxecto das presente bases fomentar, mediante o financiamento a través da concesión de premios, a actividade de ornamentación de establecementos, vivendas e rúas durante as festas de nadal 2018 para encher de colorido e vistosidade a vila de Muros.

2.- Participantes.

Poderán participar todas aquelas persoas maiores de 18 anos, **propietarias ou inquilinas** dunha **vivenda ou establecemento**, que estea situado no Concello de Muros.

Tamén poderán participar asociacións, clubs e colectivos de calquera índole radicados no Concello de Muros.

Ademais a participación poderá ser individual ou colectiva, de xeito que se permite a participación conxunta de varias persoas, establecementos ou asociación cun espazo determinado.

3.- Inscripcións.

Para formar parte do concurso, as persoas participantes deberán entregar no Concello o boletín de inscrición debidamente cuberto e asinado que figura no ANEXO I, boletín que tamén se pode obter a través da páxina web www.muros.gal ou directamente nas dependencias do Concello en horario de 09:00 a 15:00h e que poderán entregar directamente nas oficinas ou a través do correo electrónico: alcaldía@muros.es

A data límite para inscribirse será o día 19 de decembro de 2018.

No suposto de haber máis de unha solicitude de participación para un mesmo espazo ou edificio público terá prioridade a que primeiro fora presentada.

4.- Obrigas dos participantes e beneficiarios.

O participante premiado deberá cumprir as obrigas do artigo 13 e 14c) da Lei Lei 38/2003, do 17 de novembro, xeral de subvencións.

No caso de tratarse dun premiado con participación colectiva deberá cumprir as obrigas dos artigos 11.3 da citada Lei.

5.- Categorías.

Concederanse premios nas seguintes categorías:

- Escaparates de establecementos
- Exterior de establecementos
- Exterior de vivendas particulares
- Rúas, espazos ou edificios públicos para asociación ou agrupacións de establecementos ou particulares

6.- Criterios de valoración.

O requisito imprescindible é que os adornos das fachadas teñan iluminación, ademais valorarase a creatividade, orixinalidade e vistosidade.

Para a valoración cada membro de xurado puntuará:

Iluminación: puntuará un 40% do total.

Vistosidade: puntuará un 40% do total.

Creatividade: puntuará un 10% do total.

Orixinalidade: puntuará un 10% do total.

Para a valoración, cada membro do xurado puntuará de 1 (menor puntuación) a 10 (máxima puntuación), sendo o resultado a suma das puntuacións de cada membro do xurado e polo tanto por cento dos puntos indicados. En caso de empate, realizarase unha segunda votación entre as persoas participantes coa mesma puntuación.

7.- Premios.

Os premios serán os seguintes:

- Escaparates de establecementos:

1º premio de 300€, 2º premio de 150€, 3º premio de 75€

- Exterior de establecementos:

1º premio de 300€, 2º premio de 150€, 3º premio de 75€

- Exterior de vivendas particulares:

1º premio de 300€, 2º premio de 150€, 3º premio de 75€

●Rúas, espazos ou edificios públicos para asociación ou agrupacións de establecementos ou particulares:

1º premio de 500€, 2º premio de 300€, 3º premio de 150€

8.- Imputación orzamentaria.

As subvencións outorgadas serán financiadas con cargo as partidas do Estado de gastos do Orzamento Municipal de 2015- prorrogadas núm. 18/338.47900 e 18/338.48001 sen que o seu importe total poida exceder de 1.050,00 euros e 1.475,00 euros respectivamente.

9.- Xurado.

O xurado de selección estará composto por 4 persoas e 4 suplentes, nomeados pola Alcaldía. O tribunal non se poderá compoñer sen presidente ou persoa na que delegue., nin actuar sen a presenza, de polo menos, tres de seus membros, titulares ou suplentes.

Presidente/a: María Xosé Alfonso Torres

Suplente: José Antonio Uhía Martínez

Secretario/a: David Pastoriza Fernández. Suplente: Noelia Louro Louro

Vogais: María José Lago García, Josefa Fernández Fernández.

Suplentes: M^a José Sande Mayo , Angel Fernández Romero

10.- Exposición e fallo.

Os adornos deberán estar preparados e dispostos **dende o día 22 de decembro de 2018 ata o 7 de xaneiro de 2019**, calquera variación nos adornos durante este período deberá ser comunicado a través do correo electrónico: alcaldía@muros.gal.

O órgano competente para a concesión dos premios será Alcaldía do Concello de Muros, mediante resolución ditada no prazo de 5 días computados desde o día seguinte a data de publicación na paxina web do Concello das actas asinadas por tódolos membros do xurado seguindo os criterios de estas bases.

O fallo darase a coñecer nun acto público, xunto coa entrega de premios, nun día, hora e lugar que se fará público en datas próximas.

O Concello resérvase o dereito a deixar deserto algún premio por escaseza de concursantes ou de calidade dos traballos presentados ao concurso, así como

a anular o concurso no caso de que o número de persoas participantes sexa inferior ao dos premios en varias categorías.

11.-Obrigas do Concello e procedemento de Pago.

O Concello de Muros obrígase a aceptar a decisión do xurado e ao pago dos premios no prazo de 30 días.

O pago farase mediante transferencia bancaria tendo en conta a retención do I.R.P:F nos premios superiores a 300€.

12.- Aceptación das bases.

A Participación no concurso supón a aceptación das presentes bases así como o fallo do xurado.

13.- Réxime xurídico.

En todo o non previsto neste convenio, estarase ao disposto nas seguintes ordenacións xurídicas:

Lei 38/2003, do 17 de novembro, xeral de subvencións.

Lei 9/2007, do 13 de xuño, de subvenciones de Galicia.

Real Decreto 887/2006, do 21 de xullo, polo que se aproba o Regulamento da Lei 38/2003, do 17 de novembro, Xeral de Subvencións.

Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.

Lei 7/1985, do 2 de abril, reguladora das bases de réxime local.

RD lexislativo 2/2004, do 5 de marzo, polo que se aproba o texto refundido da Lei reguladora das facendas locais, nas Bases de execución do orzamento, e demais disposicións de aplicación